



Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

§. XVIII. De Symbolo Athanasii. Qvando Symbolum scripserit Athanasius.
Cur die Dominica recitetur. Notantur obiter hujus diei praerogativae.

urn:nbn:de:hbz:466:1-10805

5. Post precationem, & collectam totus coetus cecinit *Amen*, cuius responsonis antiquitas manifesta est, tum ex Apostolo, tum ex Patribus Iustino^g, Tertulliano^h, & aliisⁱ. *Amen* vox Hebraica est, qua utuntur sacrae literæ ad aliquid confirmandum; Latinè idem sonat ac vere, fideliter, sic est, ita fiat. In alienum idiomam ab Interpretibus translatâ non sicut propter sui excellentiam, & ne Cræcē vel Latinè redditâ, vim amitteret. Oraculum Zoroastris Magorum Principis, est, nanquam mutanda esse in sacris nomina barbara. Verba item antiqua in divinis sacrificiis efficaciora esse Platonicī, & Cabalistæ (quos in multis convenire Leo Hebreus & eleganter ostendit) ea ratione asserunt, quia antiquum æternitati, quæ Deus est, proximè accedit. Hanc vero doctrinam Pfeillus in Scholiis Zoroastris quamvis non omnino probet, asserit tamen singulas gentes habere quedam nomina divinitus data, quæ incredibilem vim habent in sacris, ut *Seraphim*, *Cherubim*, *Michael*, *Gabriel*. Hujusmodi est vox *Amen*. Ecclesia eam adhibet tanquam sigillum confirmans, & consignans precedentes precationes. Nam, ut ait B. Yvo Carnotensis Episcopus libro de convenientia veteris, & novi sacrificii, haec voce participem se facit populus omnium charismatum, quæ sacerdos multiplici sacramentorum diversitate studuit imprimare. Ideo Augustinus^j libro de catechizandis rudibus monet Antistites, ut distinctè orient, quatenus populus ad id quod intelligit dicat *Amen*. Notat Urbanus^m Quartus Pontifex maximus tres significaciones habere hoc vocabulum, nam quandoque accipitur nominatiter, & significat nomen Dei, *Hæc dicit Amen testis fidelis*. Aliquando sumitur adverbialiter, ut paſsim in Evangeliiⁿ; *Amen, Amen dico vobis*, & significat, *vere, infallibiliter*, ita est sicut dico vobis. Tandem accipi solet verbaliter, & idem est ac fiat. Hoc sensu in fine Orationum ponitur: & Psalista in fine quorundam Psalmorum ad prædictorum confirmationem hanc vocem ingeminat, quia, ubi nos legimus fiat, fiat, in Hebraico habetur *Amen, Amen*. Alias affert hujus vocis significaciones S. Ambrosius^o, ut aliquando sit imperantis, interdum

precantis, interdum vero confirmantis. Idem asserit B. Ogerius Abbas Locedii Ordinis Cisterciensis serm. 7. de Cœna Domini inter opera D. Bernardi. Baptista Vernacia^p magni spiritus, & celestis doctrinæ sanctimonialis libro de unione cum Deo triplex *Amen* distinguit divinum, Angelicum, & viatorum. Deus dicit *Amen*, quia est prima, & summa veritas: Angeli dicunt *Amen*, ut in Apocalypsi, gaudentes Deum esse id quod est: Viatores dicunt^q *Amen*, desiderantes ad eum pervenire, qui est veritas æterna. In Thalmudicis Masscheth Berachet apud Angelum Caninum^r, in locis novi Testamenti, dum audientium oscitantia reprehenditur, triplex malum, & illegitimum *Amen* describitur. Nam cum ille qui responderet *Amen* non intellexit quod dictum est, *Amen papillum* appellatur: cum autem *Amen* pronunciatur, antequam perfecta sit oratio, *surreptitium* dicitur, ex oratione nondum absoluta aliquid surripiens: At vero cum aliud agens responderet *Amen*, sectile nuncupatur, quasi disiectum in duas partes. Plura de hac voce Archangelus Burgonensis in dogmatibus Cabalisticis conclusione ultima, cujus hanc unicam observationem notatu dignissimam preterire nequeo, quam à Joachimo Abbatē^s accepit. Hoc verbo, inquit, utitur Dominus in Evangelio, sed & nos cum aliquid affirmare volumus, respondere solemus *Amen*. Hoc tamen distat, quia Deus in principio, nos autem in fine orationis uti consuevimus verbo isto, ut ipsum esse auctorem veri, nos autem veritatis discipulos, dum ei, & in eum credimus, demonstremus.

S. XVIII.

DE SYMBOLO ATHANASII.

Quando Symbolum scripsit Athanasius. Cur die Dominica recitetur. Notantur obiter hujus diei prærogativa.

1. **A** Thanasius Archiepiscopus Alexandrinus, magnum illud Christiani orbis prædigium, omniumque virtutum sacrarum sub Constantino Augusto florere coepit, & sub Valente

^o *Bapt. Vernac. lib. de unione cum Deo cap. 115. cor.*
^{116.} *P. Canin. cap. 5. q. Joach. Abb. in cap. 1. Apoc.*

lente vivere mundo desit, ut viveret Deo. Hic teste Baronio^r, cum esset Romæ anno quarto Julii Summi Pontificis, Symbolum scripsit suæ fidei memorabile documentum, quod Latino idiomate coram Pontifice recitavit. In hoc autem symbolo sive componendo, sive è Cræco in Latinum traducendo adiutorem fuisse Athanazio Eusebium Vercellensem Episcopum refert Guillelmus Baldesanus in Historia Pedemontana, quæ manuscripta Taurini asservatur in Bibliotheca Ducis Sabaudiae, ex tabulario Vercellensis Ecclesiæ. Imò solum Eusebium ejus Autorem agnoscunt aliqui, ut testatur Voilius in fine disserit. 2. de tribus Symbolis, qui etiam ait Latinè primum scriptum fuisse, & ex Latino Græcè redditum: nam Latinus contextus unus est, Græca autem exemplaria plurimum variant. Jam supra dictum est, quid per Symbolum intelligamus, & quam multæ sint hujus vocis significaciones, quas omnes eleganti carmine explicavit in Symbolicis quæstionibus Achilles Bocchius^s Bononiensis. Est autem hoc Symbolum tessera Orthodoxorum, Apostolicæ fidei fusiorem continens explicationem. Olim quotidie ad Primam cantabatur, ut Honорius^t scribit: nunc diebus tantum Dominicis congregata in unum majori frequentia populi recitatur, ut sanctæ fidei confessio ea die apertos celebretur, qua Dominus noster præcipua ejusdem fidei mysteria operari dignatus est. Hac enim die, ut sancti Patres obseruant^u, novæ lucis primordia mundi originem illustraverunt. Hac die Patres nostri mare rubrum sicco vestigio transierunt. Hac eadem die panem de celo omne delectamentum in se habentem accepserunt. Initio ejusdem diei natus de Virgine Christus, dictaque die postmodum baptizatus, aqua in vinum mutata recreavit convivas, & de quinque panibus multiplicatis quinque milia hominum satiavit. Hac die resurrexit à mortuis, & januis clausis ingressus ad discipulos dedit eis Spiritum sanctum, & potestatem remittendi peccata. Hac die Spiritus sancti gratia discipulorum corda divinis charismatibus replevit. Hac die Joannes mirandam illum visionem vidit, cuius plura sunt sacramen-

^r Baron. ann. 240. na. 11. ^s Achil. Bocch. initio lib. i. qq. Symbolicarum. ^t Honorius in Gemma anime lib. 2. c. 59. ^u Leo Magn. ep. 81. ad Diocorum. August. ser. 154. ^v 151. de temp. Origen. hom. 7. in Exod. Basil. hom. 2. exam. Beda lib. de aequinoct. vern. apud Baron. ann. 198. n. 4.

ta, quam verba. Demum hac die futura creditur generalis resurrectio, & totius mundi renovatio, quando qui bona fecerunt ibunt in vitam aeternam, qui vero mala in ignem aeternum. Meminit hujus symboli Gregorius Nazianzenus^x, & de illo post sanctam Hildegardem, post Brunonem Herbipolensem, & Richardum Pampolitanum insignè scripti opusculum Nicolaus Serarius^y. Agit item de illo Genebrardus lib. 3. de Trinitate. Diem vero Dominicam, qua hoc symbolum recitamus, vocat Sophronius^z Hierosolymorum Archiepiscopus dierum dominam: Theodorus Studita^a diem pacis: Chrysostomus^b diem panis, & lucis. Quædam Ecclesiæ recitant post symbolum collectam de sanctissima Trinitate, ut qui dedit nobis veræ fidei Sacra menta cognoscere, gratia quoque præficia conferat, quatenus fidem nostram amet actio, proberet charitas. Illa enim dumtaxat fides in pretio habenda est, quæ per dilectionem operatur.

^x Nazianz. orat. 21. ^y Serar. tom. 2. opusc. 2. Sophr. orat. de Nat. a Theod. Stud. cat. 11. ^b Chrys. hom. 5. de resurrect.

S. XIX.

DE LECTIONE MARTYROLOGII.

Exemplorum quanta sit vis. De cruciatibus sanctorum Martyrum. De usu, & ritu legendi Martyrologium.

1. R Ectè à quodam dictum est, longum iter per præcepta, brevè per exempla esse. Ideo veterum sanctorum vitas literarum monumentis mandari voluit Spiritus sanctus, ut, quam quisque vivendi rationem elegit, ex propriis exemplis exploret, & dirigat ad veritatem, ut sanctus Nilus^c scribit. Et ut docet Symmachus^d Papa, illa monita discipulorum conscientiam erudiunt, quæ probantur exemplo. Sine pudore invitat ad innocentiam, qui illam fuerit ipse secessus^e. Nescio quo pacto tenacius hæret doctrina operum, quam verborum, atque illi verè docent, qui cum dixerint quid faciendum sit, probant faciendo: quos

^c Senec. Ep. 6. d Nilus in lib. ascetico. e Symmach. Epist. 2. f Seneca Ep. 53.